

江蘇府縣志輯

中國地方志集成

太倉州鎮洋縣志

# 中國地方志集成

江蘇府縣志輯 ⑮

宣統太倉州鎮洋縣志

江蘇古籍出版社 ● 上海書店 ● 巴蜀書社

責任編輯 卞惠興  
封面設計 范一辛

中國地方志集成

江蘇府縣志輯⑱

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一三八元

1991年6月第1版 1991年6月第1次印刷

ISBN 7-80519-232-4 / K·112

序

吾邑志乘權輿於陳氏仲之太倉事續修志志稿其時地屬崑山方之鄉志飲水思源君志其朔也有明中葉建州以後桑氏悅始創為州志繼之者為都氏穆龔氏持憲而張氏寅張氏采又從而增修之洎入有清黃氏興堅朱氏汝礪各著有州志稿藏於家雍正間太鎮州縣分治越十餘年而有鎮洋縣志迨嘉慶初年而太倉直隸州志成萃一州四邑之事蹟勒為一書集邑志之大成焉自是厥後茲事垂絕咸豐壬戌癸亥間中丞錢公寶琛謝病歸里曾事續修僅成

太倉州鎮洋縣志

卷首 序

人物一門而中輟今所傳壬癸志稿是也光緒紀元而後州牧吳公承設立志局延聘名流從事修纂格於嘉慶志先例擬徵屬邑志稿彙編成書屬有草稿存之州署遷延者三十年光緒之季復議補輯人物有壬癸志可據續成封域水利學校祥異若干門又以國變未竟竊嘗屈指計之自明嘉靖迄清嘉慶初二百四十五年桑志以外而都而龔而二張而黃而朱而乾隆之縣志而嘉慶之直隸州志廣續編纂者八九自嘉慶初以迄民國百二十年一修於咸豐時祇成人物再修於光緒初年草創未就三修於光緒季年功未及半俯仰三

百數十年間斯文未墜幅員猶昔而成功之遲速與夫有志記載者之多寡不啻判以天淵將前人操觚雖非率爾猶不若後人之審慎將事歟抑歷年久更事多後人之秉筆果較難於前人歟辛亥政變之會錫範以義務所在勉維地方秩序視事之初嘗求昔人成憲藉資則倣而舊志版燬於兵原書難得近百年間掌故益復散佚靡稽大懼文獻失徵罔以信今而傳後咨詢議會眾意僉同禮延梓鄉耆碩通人為總分纂開局續修迄今又閱四五年矣此四五年中世事波譎雲詭如勞絲之難治吾鄉瀕海一隅亦疊遭兵事影響凡百停滯迺

太倉州鎮洋縣志

卷首 序

鄉人書來謂邑志告竣業付剞劂氏冀廣流傳郵示稿本屬為弁言錫範不文近更一行作吏役役於簿書錢穀之塵俗得觀厥成喜誠有之序則何敢念發軔之初曾參末議姑為尋源溯流而誌其緣起如右云

中華民國七年戊午冬邑人洪錫範謹誌於鎮海縣署



序

積人成家積家成邑積邑成國家有譜邑有志國有史同條共貫三者固缺一不可也而其中分合關鍵要以邑志爲權輿焉丙辰之夏余適蒞治太倉觀政之暇輒與邦人士商訂文獻稽考掌故詢以舊志有存焉者乎則相與咨嗟而道曰吾邑志乘失修久矣明崇禎間有南郭張志清乾隆初葉有金大令鴻鎮洋縣志嘉慶時鰲直牧圖彙刻太倉直隸州志庚申兵燹鈔版散亡間有遺書百不存一二往者葉徵君裕仁纂成志稿遲未付梓距今又將四十年矣近雖由邑紳籌備續修促而成之其在賢宰官乎余迺蹶然而起曰有是哉夫邑之必需乎志猶舉網得綱振衣挈領也風俗之良窳政治之得失人才之消長以及實業教育水利防務諸大端後人胥於志乎是視焉及時釐訂踵而成之不獨爲一鄉一邑紀載光亦典守是邦者應肩之責任也其可玩愒時日厘以纂輯畢乃事乎乃與邦人士規畫經費謀付剞劂而余已奉令調署吳縣書之成雖不及待矣顧余兩載以來所爲皇皇汲汲日夕與邦人士商訂文獻稽考掌故者今果於絕續之交得以剋期蒞事告厥成功何其幸歟而尤惜征軺已駕奉檄前行不獲追隨於

太倉鎮洋縣志

卷首 序

三

二三君子後躬與校讐之役此余所以臨去之時不能

不惓惓於是志也說者謂太倉一郡合鎮洋崇明嘉定寶山四縣而成今纂修事實訖於宣統末葉其時太倉猶是州屬也不名直隸州志而曰州縣志且記載限於太鎮而止無乃戾於體乎則應之曰否否是書之成計已數閱寒暑矣若拘於體例之說析爲四縣冠之以州恐事體繁重有再閱數稔而不能畢事者且分與合第一反掌之勞耳異日者舉嘉寶崇三縣之志臚列而彙觀之則不名直隸州而直隸之實猶在也又安庸以體例爲慮耶邦人士相與唯唯而退余因就志意之愉快

太倉鎮洋縣志

卷首 序

四

及曩昔之經過撮其概畧而爲之敘焉

中華民國七年歲在戊午季秋

山右溫紹樑棟甫氏識於婁江官廨

序

禹貢一篇爲後世志書之權輿然紀山川不紀風俗紀物產不紀人才故以貢名此外曰傳曰紀傳則擇其大善可傳者紀則善惡併載勸懲兼施而志則一事一人一物有善必錄有沿革必詳雖體例不盡同而治亂興衰之故繫焉歲戊午冬余自南通移官太倉甫下車役役簿書錢穀邑之文獻掌故尙未遑考邦人士以新志付梓有日屬爲之序覽其書別縣志於州志繫續修於原修體贈事覈秩序井井自著手至今凡越十年而其文之發原則在前州牧吳公承潞設局修志時距今且

太倉州鎮洋縣志

卷首 序

五

數十寒暑先後經營蓋如是其難其慎也余初未任斯勞而得樂觀厥成自今以往將操是書爲圖驥之索以求免於隕越賈生所謂不習爲吏視已然事其在斯乎慨自天地開闢人隱自命識時之士咸致力於世界理想之說是今非古嶄焉自新其毅然以搜羅文獻掌故爲己任闢揚前德昭示來茲者罕矣卽或有之其不爲所鄙笑者又罕矣此邦人士獨能於典章文物希微絕續之交采刺纂輯考訂討論卒底於成以竟數十年來未竟之功風雨如晦雞鳴不已俾後之人數典不忘有所觀感而興起則是書之成寧惟官斯土者得據爲治

譜哉矧夫時代遷移滄桑變易太倉一邑今昔迥殊昔之太倉爲直隸州與鎮洋縣同城而治嘉定寶山崇明屬焉固東南首善之區也今之太倉併鎮洋爲一縣治以規模言屬邑旣裁政治之設施自隘以事勢言州縣旣併典守之責任尤重今將夷攷陳迹以善吏事土地有加如何保之人民有加如何安之事務有加如何理之審其因習攷其沿革識大識小彰往察來若仰衡石而操表曠將以是編爲嚆矢矣嗚呼太史不作民風就湮處士橫議治術無徵太倉先進之邦自昔號稱淳厚余雖蒞任無幾日而與此邦賢人君子相晉接罔不硜

太倉州鎮洋縣志

卷首 序

六

硜有守彬彬有文卽一農一商一工亦類能食其力而安其業風俗之淳於斯稱盛今讀是書益知其來有自尤望其未來者更有進也詩云不愆不忘率由舊章願與此邦人士共勉之民國八年元月太倉縣知事太邱盧鴻鈞序

國於地球之東南縱橫萬里上下四千餘年文治武功  
彪炳乎二十四史煌煌乎天下之大文也泰西人猶譏  
之謂吾國無民史一代之史一姓之大事記耳民族源  
流進化退化末由稽焉豈知省有志府有志州縣有志  
與列代之史相輔而行者非民史乎夫國史有專職郡  
邑之志由郡邑之人爲之能文而諳掌故此其選也三  
代下太師失職不復陳詩以觀民風而志乘迭興五方  
之風土人情胥賴是以攷見設又荒墜厥緒數典皆忘  
正德利用厚生盲馳無正軌等義軒苗裔於猺黎民德  
民風將何所附麗而表見誰負國無民史之咎惟都人

太倉州鎮洋縣志

卷首 序

七

士實職之太鎮兩邑素沾文化代有通儒自前明肇建  
爲邑卽有志書遺傳其後繼續不絕乾隆初金大令  
分刻鎮洋縣志嘉慶初鰲直牧 彙刻太倉直隸州志  
版經兵燹而燬邑中已罕有其書光緒志稿者最近之  
作葉徵君 裕仁 等諸先生實纂成之未付剞劂今又曠  
三十餘年矣歲在癸丑縣議事會議決重修公推紫翔  
王太史爲總纂以分纂四人襄焉資料一踵舊稿間有  
所增益釐訂要以不失真相爲歸 如衡 不文曾與斯役  
回念斯舉之克成其機甚迫岌岌乎稍縱卽逝蓋是時  
也耆舊少存者志稿散佚難稽州縣署檔案變制後典

守無吏日就叢殘中遇南北兵閔幾致悉付蹂躪書在  
垂成而仲玉汪君中道作古王先生鑒定全稿亦卽病  
革旋赴道山允著弁言勢已不及盱眙之屯邇感老  
成之凋謝有情不自禁而歔歔者今者錢之東梨次第  
竣事竊謂婁江濱海一隅三四百年來民德民風有所  
附麗而表見者誠在乎是異日由縣而省由省而國踵  
二十四史而爲我國一大民史者於此亦將有所取裁  
焉無疑用敢補王先生未竟之緒率書數語於簡端戊  
午十月邑人馮如衡序



太倉州鎮洋縣志

卷首 序

八

原修例畧

太倉直隸州志成於嘉慶初迄今已逾百年光緒二年  
前州歸安吳公承澐設局纂修屬稿稍就擬俟屬縣志  
稿彙輯成書嗣嘉寶崇三邑各刊新志而太鎮遷延至  
今又歷二十餘載及今不輯後將何據按州縣同城而  
治天時地利人物風俗或分或合難拘一例今釐爲若  
干門自宋元以來迄光緒三十年爲圖表志傳雜記終  
以原序爲太倉州志三十卷鎮洋縣志十二卷

乾隆江南通志首紀恩旨鄉先輩沈敬亭先生議其非  
體而嘉慶志沿之今刪入各門之中而以輿圖冠首曰  
太倉州鎮洋縣志

卷首 凡例

州縣境合圖曰州境圖曰縣境圖曰州縣城圖曰州署  
圖曰縣署圖曰學宮圖曰劉河圖曰七浦圖曰楊林圖  
凡爲圖十

輿圖旣明疆域斯定近世章實齋與戴東原書曰古蹟  
當附於輿地然則寺觀園林第宅冢墓皆名蹟類也今  
釐封域爲二卷上卷列天然之位置爲目八曰建置曰  
沿革曰四至曰分野曰高度曰山岡曰墩曰形勝下卷  
則本章氏之意以列夫人工點綴而其事足傳者爲目  
五曰古蹟曰第宅曰園林曰墳墓曰寺觀

百里不同風千里不同俗凡一邑之聚必有一邑自成

其風氣者而其地之物產亦因以特殊焉今列風俗節  
候方言物產四類而統以風土

封域定而營建興曰城池曰壇廟曰公署曰驛館曰試  
院曰倉廩曰坊巷曰里鋪曰市鎮曰橋梁爲目十  
水利亦封域中事也顧州號澤國通商惠農關係匪淺  
詳水道紀開濬昔人沿海築塘設閘啟閉皆所以障潮  
汛防淤塞探治水之議備開河之制而圩岸附焉水利  
別爲一門以昭特重

大禹治水而則壤成賦故賦役次之曰戶口曰徭役曰  
鄉都曰科則曰田賦曰解支曰蠲賑曰課稅曰學租曰  
太倉州鎮洋縣志

卷首 凡例

鹽法而科則蠲賑別爲之表以醒眉目  
旣富而教故學校次之首紀廟學禮樂通行之典禮次  
列學額鄉飲學田而書院社學義塾以類相從焉

學校興而科第盛自建州以來名臣魁儒輩出嘉慶志  
多其名目轉益紛錯今仍先宋元明而後及於清以見  
列代沿革之由列科貢表武科表而以薦舉特科廕襲  
封贈例仕附焉

州建於明宏治年間地處江海交匯揆文奮武前乎官  
斯土者亦未可畧也首敘官制列州縣分治前文職表  
州縣分治後文職表武職自雍正三年以前書缺有間

概從闕疑祇列州縣分治後武職表其遺愛在民者別立名宦傳自爲一門表祇載名籍出身列名宦者注有傳以別之

有文事必有武備矧濱海之區設防尤亟邇年以來水陸營汛變更尤甚今首列營制附載防汛城堡而次以紀兵與防海議焉

兩衛本兵防也勝國時捍禦海疆有守土之責我朝專司漕運迫河運停而官爲虛設今裁歸有司矣然舊時經制不可沒也列衛制衛職屯田爲目三

州自前明以來文物彬彬稱盛今遵一統志例以時代

太倉州鎮洋縣志

卷首 凡例

三

次不加品題唯藝術寓賢方外列女別有傳所以示異也南郭志仿五代史爲雜傳今仍之以處夫人非純正而不可不傳者

如朱清張瑄之類

粵寇之亂忠義民兵致命遂志今於專傳外並存姓名於忠義祠之後

嘉慶志藝文以書從人與人從代不復分類似非體例今依四庫例分經史子集爲四部擇序文之可錄者摘要以見作書之大旨金石州縣無多附錄其最有名者於子部金石之後

嘉慶志列雜綴門分祥異紀事紀聞稗說爲四目今仿

靈壽志例特闢祥異一門示聖賢遇災而懼之意而以三者合爲雜記擇其事非不經而言尤雅者以寓懲勸州志權輿於陳仲太倉事蹟陸容太倉志稿建州以後桑悅始創爲志而都氏穆龔氏持憲張氏寅繼之勝國末張氏采又繼之入國朝黃氏與堅有太倉州志稿至乾隆初始有鎮洋縣志嘉慶初始有直隸太倉州志今并錄原序於各門之後

州縣同城而治壤地相錯其中如風土兵防兩衛祥異雜記五門事蹟既與州同縣志概不復載

太倉州鎮洋縣志

卷首 凡例

四

續修例畧

邑志纂修之始定有例畧若干則成書若干卷茲從事  
續修體例一仍舊貫惟就原修有其目而無其書者逐  
門補葺俾成完書

原修肇始於光緒季年嗣議續修則在民國紀元以後  
國步既更雖紀載事實初無出入而秉筆者立言之體  
不無小異茲擬於每卷之下附注原修續修字樣以分  
別之

原修斷自光緒三十年茲經續修縣參事會有迄於宣  
統三年之議決案相距祇六七年於大體無關惟如水  
太倉州鎮洋縣志

卷首

凡例

五

利已成書後之開濬七浦營建選舉未成書之改試院  
爲中學光緒三十一年後之科貢之類自應擇要酌添  
以補原修之缺

續修邑志經洪前知事 錫範 提交縣議會議決當時頗  
有持論謂宜特闢自治一門者溯自自治倡興以後如  
清釐地方公產之類不乏足資記載而爲原修之所遺  
惟事非歷來邑乘所有未敢昧然自我作古茲另編自  
治一卷附於全書之末以俟論定

修刊姓氏

原修

纂修

邑

人

王

祖

奎

邑

人

徐

敦

穆

邑

人

繆

朝

荃

邑

人

錢

溯

耆

繪圖

邑

人

洪

保

嬰

續修

太倉州鎮洋縣志

卷首

修刊姓氏

一

總纂

邑

人

王

祖

奎

分纂

邑

人

汪

曾

蔭

邑

人

馮

如

衡

邑

人

徐

福

埔

邑

人

錢

詩

棟

繕校

邑

人

凌

溯

珏

校刊




|         |   |   |   |   |
|---------|---|---|---|---|
| 邑       | 人 | 顧 | 聘 | 璜 |
| 分校      |   |   |   |   |
| 邑       | 人 | 徐 | 福 | 埔 |
| 邑       | 人 | 李 | 謝 |   |
| 邑       | 人 | 蔣 | 恩 | 鑑 |
| 太倉州鎮洋縣志 |   |   |   |   |
| 卷首 修刊姓氏 |   |   |   |   |
| 二       |   |   |   |   |

|         |                       |                      |             |    |                       |    |                    |    |                       |
|---------|-----------------------|----------------------|-------------|----|-----------------------|----|--------------------|----|-----------------------|
| 太倉州志目錄  |                       |                      |             |    |                       |    |                    |    |                       |
| 卷首      | 序 凡例 纂修姓氏 目錄 輿圖 州縣境合圖 | 縣境圖 州縣城圖 州署圖 縣署圖 學宮圖 | 劉河圖 七浦圖 楊林圖 | 卷一 | 封域上 建置 沿革 四至 分野 高度 山岡 | 卷二 | 封域下 古蹟 第宅 園林 墳墓 寺觀 | 卷三 | 風土 風俗 節候 方言 物產        |
| 太倉州鎮洋縣志 |                       |                      |             |    |                       |    |                    |    |                       |
| 卷首 目錄   |                       |                      |             |    |                       |    |                    |    |                       |
| 二       |                       |                      |             |    |                       |    |                    |    |                       |
| 卷四      | 營建 城池 壇廟 公署 驛館 試院 學堂  | 倉廩 坊巷 里鋪 市鎮 橋梁       |             | 卷五 | 水利上 水道 開濬 海塘 閘座       | 卷六 | 水利下 治水議 開河規制 築岸    | 卷七 | 賦役 戶口 徭役 鄉都 科則表 田賦 解支 |
| 卷八      | 學校上 廟學 禮樂 學額 鄉飲 學田    |                      |             |    |                       |    |                    |    |                       |


鎮太倉縣合圖

每格平方一里



鎮洋洪保嬰續

太倉州圖



鎮洋縣界則繪

卷九

學校下 書院 社學 義塾

卷十

選舉 科貢表 武科表 薦舉 特科 廢襲 封贈 例仕

卷十一

職官 官制 州縣分治前文職表 州縣分治後文職表 武職表

卷十二

名宦 臺司 郡守 知州 倅武 教職 武職

卷十三

兵防上 營制

太倉州鎮洋縣志 卷首 目錄

一二

卷十四

兵防中 紀兵

卷十五

兵防下 防海議

卷十六

兩衛 衛制 衛職 屯田

卷十七

人物一 古今人傳

卷十八

人物二 古今人傳

卷十九

人物三 古今人傳

卷二十

人物四 古今人傳

卷二十一

人物五 古今人傳

卷二十二

人物六 藝術 雜傳 流寓 方外

卷二十三

人物七 列女節烈

太倉州鎮洋縣志 卷首 目錄

三

卷二十四

人物八 列女節烈 貞孝 賢能 秀淑

卷二十五

藝文 經類 史類 子類 集類

卷二十六

祥異

卷二十七

雜記上

卷二十八

雜記下

卷末  
舊序

太倉州鎮洋縣志

卷首 目錄

四

鎮洋縣志目錄

卷一

封城建置 四至 園林 墳墓 寺觀 物產 古蹟

卷二

營建城池 壇廟 公署 倉廩 坊巷 里鋪

卷三

水利水道 開濬 海塘 墾

卷四

賦役戶口 鄉都 科則表 田賦 解支 課稅

卷五

太倉州鎮洋縣志 卷首 目錄

五

學校

卷六

選舉科貢表 武科表 薦舉 特科 廢襲 封

卷七

職官文職表

卷八

名宦知縣 佐貳 教諭

卷九

人物古今人傳

卷十

人物二 列女節烈 貞孝 賢能 秀淑

卷十一

藝文 經類 史類 子類 集類

卷末

舊序 跋

太倉州鎮洋縣志

卷首 目錄

六

太倉州志卷一 原修

封域上

建置沿革四至分野高度山



明宏治十年都御史朱瑄御史劉廷瓚采鄉人浙江布政使司右參政陸容議疏請割崑山新安惠安湖川三鄉常熟雙鳳鄉嘉定樂智循義二鄉建太倉州領崇明縣隸蘇州府朱瑄請立州治疏畧臣惟事有便於民者如太倉設州於軍民便利有六如崑山管轄蕩湖等處常熱管轄直塘雙鳳塗松等處嘉定管轄劉家港等處各離縣遠到太倉近若將附近鄉都分割納糧當差不致遠涉一也太倉二衛近若年官軍俸糧俱往別縣支萬一寇發城閉何恃以守若年官軍俸糧俱往別縣無患二也衛所內外軍民雜處軍多刁橫欺凌民戶若立州則民有衛所主不致受欺軍知畏懼不敢縱惡設有獄詞可以旦夕聽成三也附近人民每將貨物入城變

太倉州志

卷一 封域上

一

易有等光棍用強尋鬪搶奪以致鄉民別處市集路遠費多若立州庶免前弊四也崇明雖蘇州甚遠其民到府必經太倉而守禦千戶所又屬鎮海衛轄若立州統領崇明則遠近相制五也衛學軍生例有歲貢三縣民生附近衛學肄業既無廩資又無歲貢白首窮經絕生路若立州則軍民生徒廩貢得視別學勸掖後進六也臣愚見灼知國朝因之雍正三年總督查弼納有益用敢備陳以蘇松常三府賦重事繁奏請升州增縣以分其任陞太倉爲直隸州析置鎮洋縣同城而治領縣四曰鎮洋崇明嘉定寶山州地禹貢揚州之域歷夏商至周武王封仲雍後周章於吳地屬焉春秋時吳王卽其地置倉元王四年越滅吳顯王三十六年楚敗越盡取吳故地考烈王十五年楚徙封春申君黃歇於吳春申君造兩

倉西倉名曰均輸東倉周一里八步大抵太倉之得名  
春秋最古在東倉之前然實二名而一地他若吳王濞  
積粟海陵之倉孫權置倉武陵橋北吳越錢氏之倉元  
代海運之名皆牽附舊聞不可為典要桑悅志按東漢  
曰吳王濞之倉或曰五代吳越王之倉俱在廣陵今  
置倉遠七百里外枚乘說濞太倉乃在海陵今泰州也  
若云錢氏之倉不惟去國都太遠且屢為淮南所陷殆  
其邊境不可儲蓄據此為春秋時吳王之倉無疑當按  
孫權置倉武陵橋北僅見於陳仲太倉事蹟他無所據  
嘉慶州志斷吳濞孫權及五代錢氏之倉為牽附不足  
信而反援元時海泰滅楚置膠邑屬會稽郡漢興改膠  
運得名之說陋矣為婁順帝時分浙西為吳郡以婁隸焉歷三國晉宋齊  
至梁天監六年分婁地置信義縣屬信義郡中吳紀聞  
云縣西二  
太倉州志 卷一 封域上 二  
十里許有村曰信 大同初析置崑山縣在今松江府北  
義俗遂號為鎮義 崑山之陰隋平陳縣廢開皇十八年復置唐屬蘇州隸  
江南東道天寶十載移治馬鞍山之陽今崑山縣治也  
五代屬吳越宋屬平江府元因之改平江府為路屬江  
南浙西道至元十九年朱清張瑄自崇明徙居太倉按  
鄭寧水利書崑山之東地名太倉俗號岡身蓋太倉舊  
有是名而鄭氏承之張采乃云太倉由海運得名蓋未  
之考建海漕議先是劉家港漸西勢日深廣清瑄因導  
以入海通海外番船蠻商夷賈雲集麟萃當時謂之六  
國馬頭元貞元年以戶口計陞縣為州宋元通鑑以縣  
五萬以上至十  
萬戶為中州四萬戶以 改崑為昆延祐元年參政高昉  
上至五萬戶為下州

疏請遷州治於太倉張寅志上官震記曰吳郡有屬州  
曰崑山其東一舍而遠曰太倉濱  
海通漕商賈輻集民以富庶視  
舊治過之延祐間奉詔徙治至正十三年立水軍萬  
戶府陳仲太倉事蹟至正十二年海賊方國珍入劉家  
港劫掠民罹降火者十萬餘戶元遂立水軍萬戶  
府十六年張士誠據吳改平江路為隆平府明年遣將  
高致廣築太倉城陳仲太倉事蹟是時方國珍以舟師  
礮巨墟士誠乃復徙州治於馬鞍山之陽計自延祐元  
年至至正十七年凡徙州治者四十有三年而復故二  
十六年十一月明平章俞通海取太倉吳元年立太倉  
衛洪武二年降崑山州為縣復崑為崑十二年分立鎮  
海衛兩衛同城治者百餘年至宏治十年始建州  
太倉州志 卷一 封域上 三  
倉地屬三縣而建置沿革獨詳於崑山者蓋太倉州城  
即崑山州城也其常熟嘉定所割地則各村鎮耳偏於  
一隅混而無紀故畧之自宋元以來嘉定常熟皆為州  
屬平江路至國朝始為縣州治之建自嘉定十五年巡  
撫王恕創議至宏治十年巡撫朱瑄始成嘉靖十五年  
熟寺丞姚奎崑山進士屈儒祁州知州張安甫各具奏  
乞毀州治春坊庶子方鵬上書撫按知州胡讚宗同知郭田  
謂毀之不便巡撫李充嗣勸嚴則知府胡讚宗同知郭田  
知州劉世能據州學生王梁等議立州利民者六事皆  
謂毀之不便巡撫李充嗣勸嚴則知府胡讚宗同知郭田  
給事中朱隆禧奏準州治奉旨太倉州不必查革夫以  
為毀之便者大要謂官多則民擾賦分則民貧查革夫以  
民困也以為毀之不便者謂太倉居民附海盜出沒  
軍民難處事難歸一況當城守要害居民今倭虜台  
寇沙醜作亂至屢震廢廟勞勩恐不及而況使其崩圯也  
耶事關州治之大 越二百餘年至我 朝雍正三年直  
隸江蘇布政司自析置鎮洋縣州境得雙鳳新安二鄉